



Tužilaštvo/Tužiteljstvo Brčko distrikta Bosne i Hercegovine  
Tužilaštvo Brčko distrikta Bosne i Hercegovine  
Prosecutor's Office of the Brcko District of Bosnia and Herzegovina  
<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: [jt-brckodistriktbih.pravosudje.ba](http://jt-brckodistriktbih.pravosudje.ba); tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Trg pravde 10, 76100 Brčko distrikt Bosne i Hercegovine; web: [jt-brckodistriktbih.pravosudje.ba](http://jt-brckodistriktbih.pravosudje.ba); tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)

**Broj: T18 0 KT 0013355 19**  
**Brčko, 27.05.2019. godine**

Na osnovu člana 35. stav 1. tačka z) i člana 226. stav 1. Zakona o krivičnom postupku Brčko distrikta BiH, p o d i ž e m

## **O P T U Ž N I C U**

**Protiv:**

**GAJIĆ SNEŽANE** ... rođena ...1965. godine u Brčkom ...

**Što je:**

1. Dana 10.4.2019. godine u 14,25 sati, nalazeći se u mjestu Lončari, opština Donji Žabar, sa svog mobilnog telefona IMEI broja ... u kojem se nalazila kartica sa brojem ... pozvala telefonski broj Osnovnog suda u Brčkom 049/216-499 i službeniku koji se javio na telefon O.S., svjesno i sa namjerom da izazove strah, uznemirenost i evakuaciju zaposlenih, saopštila ozbiljnu prijetnju riječima: „Moj muž H. je umro prije dvije godine, vi ste krivi za njegovu smrt i ja vam garantujem da ćete letjeti u zrak“, čime je izazvala strah i uznemirenost svih zaposlenih lica u pravosudnim institucijama Brčko distrikta BiH, te potrebu njihovog privremenog izmještanja i detaljnog pregleda objekata pravosudnih institucija u Brčkom,

2. Dana 15.4.2019. godine u 10,04 sati, nalazeći se u mjestu Lončari, opština Donji Žabar, sa svog mobilnog telefona IMEI broja ... u kojem se nalazila kartica sa brojem ... pozvala telefonski broj Osnovnog suda u Brčkom 049/216-499 i službeniku koji se javio na telefon O.S., svjesno i sa namjerom da izazove strah, uznemirenost i evakuaciju zaposlenih, saopštila ozbiljnu prijetnju riječima: „Ozbiljno me niste shvatili

prošli put, imate dva dana i letite u zrak i više se nećemo čuti“, čime je izazvala strah i uznemirenost svih zaposlenih lica u pravosudnim institucijama Brčko distrikta BiH, te potrebu njihovog privremenog izmještanja i detaljnog pregleda objekata pravosudnih institucija u Brčkom,

**3.** Dana 19.4.2019. godine u 07,48 sati, nalazeći se u mjestu Lončari, opština Donji Žabar, sa svog mobilnog telefona IMEI broja ... u kojem se nalazila kartica sa brojem ... pozvala telefonski broj Osnovnog suda u Brčkom 049/216-499 i službeniku koji se javio na telefon O.S., svjesno i sa namjerom da izazove strah, uznemirenost i evakuaciju zaposlenih, saopštila ozbiljnu prijetnju riječima: „Tražili ste, ništa niste našli, danas je tačno tri godine od smrti mog sina, danas u dva sata dolazim ja i letimo svi u vazduh“, čime je izazvala strah i uznemirenost svih zaposlenih lica u pravosudnim institucijama Brčko distrikta BiH, te potrebu njihovog privremenog izmještanja i detaljnog pregleda objekata pravosudnih institucija u Brčkom,

dakle, ugrozila bezbjednost više lica ozbiljnom prijetnjom da će im nanijeti zlo eksplozijom,

čime je počinila produženo krivično djelo – Ugrožavanje bezbjednosti – iz člana 180. stav 2. u vezi sa stavom 1. Krivičnog zakona Brčko distrikta BiH.

---

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

---